

心轉所造色間有對造色與有對造色爲俱
有因不答無有說亦有如眼根等有多極微
俱生展轉爲俱有因評曰彼不應作是說如

應行展轉相望由二事故說名隨轉謂果故
異熟故

前說者好所以者何同一果義是俱有因義
彼非同一果故然一切心皆有隨轉諸心所
法及生等相非一切心皆有隨轉身語業色
隨心轉義總有十種謂一起一住一滅一果
一等流一異熟善則善不善則不善無記則
無記墮一世中一果者謂離繫果一等流者
謂等流果一異熟者謂異熟果隨法別說此
十多少根蘊當說問隨轉自性是何答四蘊
五蘊欲界無色界四蘊無隨轉色故色界五

蘊有隨轉色故已說自性所以今當說問何
故名隨轉答相隨順義是隨轉義相攝益義
是隨轉義辨一事義是隨轉義隨心轉法義
語心言汝所作事我亦作之心心所法展轉
相望由五事故說名隨轉謂所依故所緣故
行相故果故異熟故心與隨心轉色心不相

說一切有部發智大毗婆沙論卷第十六 造六
瓦礫下音伐 笈蹉上音伐下音其業反 咳氣上音愛反
戰掉上正作顛下徒弔反 傲恨上吾吉反 灰燼下除方反 輓
範上俱水反 俱胝下珍摩揭列反 羅怙下音戶
訾二同音紫 懷孕下余糞壤反 唐捐下音婆
吒下徒尼演音 迄至上許隘路反 訖反
秋鵠可反下古合 十六末

阿毗達磨大毗婆沙論卷第十六

造六

阿毗達磨大毗婆沙論卷第十七

造七

五百大阿羅漢等造 三藏法師玄奘奉詔譯

雜蘊第一中智納息第二之九

問身語業何等隨心轉何等不隨心轉耶答
色界戒及無漏戒隨心轉欲界戒及餘身語
業不隨心轉問何故欲界戒不隨心轉耶答

欲界於彼隨心轉戒非田非器乃至廣說復次欲界非定界非修地非離染地故無如是道戒可隨轉色界是定界是修地是離染地故有如是道戒可隨轉復次欲界戒義問欲界心言汝能爲我斷破戒及起破戒煩惱不若能者我隨汝轉欲界心義答欲界戒言我不能戒義言若不能我何爲隨汝轉如人怖怨問他人曰汝能爲我作救護不若能者常依止汝隨汝而轉他答不能彼便語言汝若不能我何爲依止汝隨汝轉此亦如是問色界善心一切皆有隨轉戒不答非一切有謂初靜慮有六善心無隨轉戒一善眼識二善耳識三善身識四死時善心五起表善心六聞所成慧相應善心第二第三第四靜慮有二善心無隨轉戒謂死時善心及聞所成心問何故無色界無隨轉戒耶答彼界於戒非田非器乃至廣說復次戒是色一分攝彼界無色故亦無戒復次戒是大種所造彼無大

種故亦無戒問如雖無漏大種而有無漏戒如是彼界雖無大種何妨有戒耶答無漏戒非大種力故成無漏但由心力隨無漏心所等起故有漏戒由大種力繫屬界地故不相似復次戒者對治破戒及起破戒煩惱無色界道不能對治破戒及起破戒煩惱故彼無戒問因論生論何故無色界道不能對治破戒及起破戒煩惱耶答彼惟欲界無色於欲有四事遠故無對治四事遠者一界地遠二所依遠三所緣遠四對治遠問若余第二第三第四靜慮亦無破戒及起破戒煩惱對治彼應無戒答對治有二種一斷對治二獸壞對治上三靜慮於破戒及起破戒煩惱雖無斷對治而有獸壞對治如世尊說聖弟子入不動心解脫能斷不善修習善法非彼身中猶有不善可斷然依過患對治故作是說無色界於破戒及起破戒煩惱無斷對治亦無獸壞對治是故無戒

造七

隨心轉戒總有二種一道俱有戒二定俱有戒道俱有戒者謂無漏戒定俱有戒者謂色界戒若是道俱有戒彼非定俱有戒若是定俱有戒彼非道俱有戒有作是說道俱有戒謂無漏戒定俱有戒謂一切有漏無漏隨心轉戒彼作是說一切道俱有戒皆是定俱有戒或是定俱有戒而非道俱有戒謂有漏隨心轉戒有餘師說道俱有戒謂無漏戒定俱有戒謂根本靜慮有漏無漏戒依如是說應作四句有是道俱有戒非定俱有戒謂近分地諸無漏戒有是定俱有戒非道俱有戒謂根本地諸有漏戒有是道俱有戒亦是定俱

有戒謂根本地諸無漏戒有非道俱有戒亦非定俱有戒謂近分地諸有漏戒彼師依得復作四句有得道俱有戒非定俱有戒謂未離欲染入正性離生十六心頃若已離欲染依未至定入正性離生見道十五心頃若諸聖者爲離欲染起加行道九無間道八解脫

道若未離欲染信勝解練根作見至所有加行無間解脫道若諸聖者未離欲染依未至定起無量不淨觀持息念及念住等如是等時得道俱有戒非定俱有戒有得定俱有戒非道俱有戒謂諸異生離欲染一切最後解脫道即彼爲離初靜慮染依初靜慮起加行造七道及一切最後解脫道即彼爲離第二靜慮染依第二靜慮起加行道及一切最後解脫道即彼爲離第三靜慮染依第三靜慮起加行道及最後解脫道即彼爲離第四靜慮染依第四靜慮起加行道若諸異生依根本靜慮引發諸通起加行道五無間道三解脫道

若起無量不淨觀念住緩頂忍世第一法初三解脫八勝處前八偏處及無色界沒生色界時色界上地沒生下地時如是等時得定俱有戒非道俱有戒有得道俱有戒亦得定俱有戒謂已離欲染依未至定入正性離生道類智時若依上地入正性離生十六心頃

若諸聖者離欲染最後解脫道即彼爲離初靜慮乃至非想非非想處染諸加行道九無間道九解脫道已離欲染信勝解練根作見至所有加行無間解脫道時解脫阿羅漢練根作不動諸加行道九無間道九解脫道若雜修初靜慮乃至第四靜慮時若諸聖者引

發諸通起加行道五無間道三解脫道若諸聖者已離欲染依未至定等起無量解脫勝處偏處不淨觀持息念及諸念住若起無礙解邊際定無諍願智空空無願無願無相無相想微細心如是等時得道俱有戒亦得定俱有戒有不得道俱有戒亦不得定俱有戒謂諸異生爲離欲染起加行道九無間道八解脫道依未至定靜慮中間起煬頂忍拙第一法若諸異生依第二第三第四靜慮近分爲離初第二第三靜慮染起加行道九無間道八解脫道若諸異生依空無邊處乃至非想非非想處近分爲離第四靜慮乃至無所

有處染起加行道九無間道九解脫道若諸異生未離欲染或已離欲染依未至等諸近分定或無色定起無量解脫勝處偏處及不淨觀持息念并念住等諸功德時若諸聖者依未至等諸有色定起有漏無漏成就諸功德時依無色定起有漏無漏成就諸功德時造七

四

一切不定及無心位如是等時不得道俱有戒亦不得定俱有戒彼師依捨復作四句有捨道俱有戒非定俱有戒謂得預流果或一來果或漸次者得不還果未離欲染信勝解練根得見至從一來果一來勝果道及預流果預流勝果道退時從預流果退時者謂從練根所得果退如是等時捨道俱有戒非定俱有戒有捨定俱有戒非道俱有戒謂諸異生從離欲染乃至從離第三靜慮染退若諸異生及諸聖者欲色界沒生無色界若色界沒生欲界若諸異生從根本地勝功德退如是等時捨定俱有戒非道俱有戒有捨道俱

有戒亦捨定俱有戒謂諸聖者從離欲染乃至從離非想非非想處染退若依四靜慮及靜慮中間得不還果若得阿羅漢果已離欲染信勝解練根得見至時解脫阿羅漢練根得不動從不還果不還勝果道及阿羅漢果

阿羅漢勝果道退時如是等時捨道俱有戒亦捨定俱有戒有不捨道俱有戒亦不捨定俱有戒謂除前相諸餘位彼依成就復作四句有成就道俱有戒非定俱有戒謂未離欲染聖者有成就定俱有戒非道俱有戒謂諸異生生欲界已離欲染若諸異生生色界有俱成就謂諸聖者生欲界已離欲染若諸聖

造七

朱五者生色無色界有俱不成就謂諸異生未離欲染若諸異生生無色界依不成就亦作四句謂次前第二句爲今第一句次前第一句爲今第二句次前第四句爲今第三句次前第三句爲今第四句

一切律儀摠有四種一別解脫律儀二靜慮

律儀三無漏律儀四斷律儀別解脫律儀者謂欲界戒靜慮律儀者謂色界戒無漏律儀者謂無漏戒斷律儀者謂離欲界染九無間道中所有靜慮無漏戒廣說此四律儀如業蘊害生納息

緩隨轉戒於破戒爲捨對治持對治遠分對治頂忍出第一法見道修道中道類智隨轉戒於破戒但爲持對治遠分對治離欲界染加行道隨轉戒於破戒爲捨對治持對治遠分對治初無間道隨轉戒於破戒但爲持對治遠分對治於起破戒煩惱但爲斷對治捨對治七無間道隨轉戒於破戒但爲持對治遠分對治於起破戒煩惱爲斷對治捨對治持對治遠分對治第九無間道隨轉戒於破戒爲斷對治持對治遠分對治於起破戒煩惱爲斷對治捨對治持對治遠分對治九解脫道隨轉戒及餘後時乃至盡智無生智無學正見隨轉戒於破戒及起破戒煩惱但爲

持對治遠分對治問法智品道能斷破戒及起破戒煩惱可有隨轉戒類智品道無此功能云何亦有隨轉戒耶尊者世友說曰類智品道於彼雖無斷對治捨對治而有持對治遠分對治故復次法智品道與類智品道展轉爲因展轉相續展轉相屬展轉相生故有

餘師說類智品道亦能斷破戒及起破戒煩惱然法智品道先斷彼故今無所斷故亦有隨轉戒譬如多人共一怨家一人已害餘無所害非無害能此亦如是大德說曰若法智品道有隨轉戒類智品道無隨轉戒者則應律儀惟於能處轉不於不能處轉然諸律儀造七

通於能處不能處轉是故法智類智品道俱得有隨轉戒問欲界色界何者戒多有作是說欲界戒多所以者何欲界戒於根本業道處及加行後起處得色界戒惟於根本業道處得欲界戒離性罪及離遮罪故得色界戒惟離性罪故得如是說者色界戒多所以者何

且未至定所攝戒尚多欲界有無量功德對治彼故況復更有上地餘戒問有漏無漏何者戒多有作是說有漏戒多所以者何有漏戒攝二律儀一律儀少分無漏戒攝一律儀一律儀少分復次有漏戒攝二界一界少分二處一處少分無漏戒但攝一界一處少分

如是說者無漏戒多所以者何且苦法智忍隨轉戒尚多有漏有無量功德對治彼故況復更有上位餘戒問苦法智忍與苦法智乃至盡智無生智無學正見諸隨轉戒何者爲多有作是說苦法智隨轉戒於苦法智忍隨轉戒一陪爲多如是展轉乃至無學正見隨轉戒於無生智隨轉戒一陪爲多復有說者如苦法智忍隨轉戒如是苦法智隨轉戒乃至道類智隨轉戒亦尔離欲界染諸加行道九無間道九解脫道諸隨轉戒後後轉多所以者何如如漸漸破戒及起破戒煩惱如是如是戒漸增多上諸位戒前後相似如是說

造七

七

者苦法智忍隨轉戒與苦法智乃至無學正見隨轉戒等無有異所以者何同於身語七支轉故問若尔施設論說當云何通如說苦法智於苦法智忍爲勝乃至盡智於金剛喻定爲勝答依因長養故作是說謂苦法智忍惟一剎那因所長養苦法智二剎那因之所長養乃至盡智無量剎那因所長養彼說品勝不說戒多問聲聞與佛何者戒多有作是說聲聞戒多所以者何聲聞戒依二界身佛戒戒但依欲界身復次聲聞戒依二趣身佛戒但依人趣身如是說者佛戒多所以者何且力無畏隨轉戒尚多一切聲聞獨覺況復更有無量無邊殊勝功德諸隨轉戒問諸佛世尊有百年位證得無上正等菩提有乃至於八萬歲位若百年位得菩提者亦得八万身中戒不設尔何失若得者云何此身得異身戒若不得者施設論說當云何通如說一切如來應正等覺皆悉平等答應言亦得問若

尔云何此身得異身戒答若依此身得異身戒亦無有失相續一故然百年位得菩提者於百年位隨心轉戒亦得亦在身亦成就亦現在前於八萬歲位隨心轉戒得而不在身成就不現在前八萬歲位得菩提者於八萬歲位隨心轉戒亦得亦在身亦成就亦現在前於百年位隨心轉戒得而不在身成就不現在前有說不得問若尔施設論說當云何通答由三事等故名平等一修行等謂如一佛於三無數劫修六波羅蜜多得圓滿故證得無上正等菩提餘佛亦尔故名平等二利益等謂如一佛出現於世度無量百千那庾多衆生令般涅槃餘佛亦尔故名平等三法身等謂如一佛成就十力四無所畏大悲三念住十八不共法等無邊功德餘佛亦尔故名平等復次根等故名平等諸佛皆住上品根故復次戒等故名平等諸佛皆得上品戒故復次地等故名平等謂如一佛依第四靜

慮證得無上正等菩提餘佛亦尔故名平等
問得阿羅漢果時得幾地身隨心轉戒西方
諸師作如是說得二十六處身隨心轉戒謂
欲界九色界十七迦濕彌羅國諸論師言得
二十五處身隨心轉戒以大梵天無別處故
是未來修非皆現起謂欲色界隨何地身得

問俱有因以何爲自性答一切有爲法已說
自性所以今當說問何故名俱有因俱有是
何義答不相離義是俱有義同一果義是俱
有義相隨順義是俱有義此俱有因定通三
世有士用果

云何同類因乃至廣說問何故作此論答爲

造七

九

無學果即彼地身隨心轉戒亦未來修亦得
現起所餘地身隨心轉戒雖未來修而不現
起無彼異熟所依身故生無色界得無學果
雖得彼戒而不現起生上不起下地定故問
依自地身能起自地一切戒不答不能盡起
所以者何惡法尚無能盡起者況諸功德加
行生故問何故聖者生無色界成就道俱有
戒非定俱有戒耶答有漏法繫屬界地非上
界者生上便失無漏不爾復次有漏法勝劣
隨地生上厭下無所用者必不成就無漏不
尔是故聖者生無色界惟得成就道俱有戒
傍論已了應復正論

相應法爲同類因過去善根與未來現在自
界善根及相應法爲同類因現在善根與未
來自界善根及相應法爲同類因問此中何
故不說過去與過去爲同類因耶答前生與
後生言已說彼故問何緣不說過去自名答
欲顯後法非前因故若說過去與過去爲同

類因或有生疑過去後法亦爲前法因若說
前生與後生爲同類因此疑便息有說此文
欲顯過去有前後義若說過去與過去爲同
類因或有生疑過去諸法同時展轉爲同類
因若說前生與後生爲同類因此疑便息問
何故前生等惟說善根後生等兼說相應法
耶答是作論者意欲余故乃至廣說有說前
生等亦應說相應法而不說者當知此是有
餘之說有說此文爲遮相似相續沙門意故
彼作是說善根惟與善根爲因善根相應法
惟與善根相應法爲因爲遮彼意顯示善根
與善根爲因亦與相應法爲因善根相應法
與善根相應法爲因亦與善根爲因故作是
說問此中何故惟說善根及相應法非餘法
耶答就勝說故謂善法中善根最勝彼相應
法極相隣近故偏說之不善無記應知亦余
自界者謂欲界惟與欲界爲同類因色無色
界應知亦余如說自界自地亦余繫縛別故

謂初靜慮惟與初靜慮爲同類因乃至非想
非非想處應知亦余有餘師說如說自界自
地自處亦余謂那落迦惟與那落迦爲同類
因乃至色究竟天應知亦余評曰彼不應作
是說若作是說則五淨居處初刹那起應無
同類因無始時來未生彼故應作是說同地
造七

異處所起煩惱展轉相縛隨類展轉爲同類
固然除異部五部隨眠繫縛分劑有差別故
復說過去等者欲顯過去未來體是實有現
在是有爲故如善根不善無記根亦余差別
者不善中除自界是謂同類因問何故不善
除自界耶答以不善根無異界故若說自界
無所簡別有說不善中亦應說自界以自界
聲亦說自部謂見苦所斷惟與見苦所斷爲
同類因乃至修所斷應知亦余問若余此中
但應說如善根不善無記根亦余不應復說
差別等言答若但作如是說或有生疑如無
記根通三界不善根亦余故復須說差別等

言問此中何故不說前生等不善根與後生等無記根及相應法爲同類因前生等無記根與後生等不善根及相應法爲同類因耶答是作論者意欲尙故乃至廣說有說應說而不說者當知此義有餘有說若作是說或有生疑不善根亦通三界或無記根惟在欲

界或復生疑因少果多或因多果少是故不說文雖不說而義實有自部互爲同類因故問未來世中有同類因不設尙何失若有者此中何故不說謂此中但說前生與後生爲同類因過去與未來現在爲同類因現在與未來爲同類因而不說未來與未來爲同類

造七

十一

因又若有者應有二心展轉爲因便違前說若無者此論見蘊當云何通如說若法與彼法爲因或時此法與彼非因耶答無時非因若法已生是同類因若未已生非同類因是則若法與彼法爲因或時此法與彼非因云何答言無時非因又若無者品類足論復云

何通如說云何非心爲因法答已入正性離生補特伽羅初無漏心及餘異生定當入正性離生者初無漏心然彼異生未來所有無漏心皆非心爲因何故但說彼初無漏心耶又若無者品類足論復云何通如說或有苦諦以有身見爲因非與有身見爲因除未來

有身見及彼相應苦諦諸餘染汚苦諦或有苦諦以有身見爲因亦與有身見爲因即所除法若未來有身見不與未來有身見爲因何故言除未來有身見及彼相應苦諦耶又若無者識身足論復云何通如說於過去染污眼識所有隨眠彼於此心或能爲因非所

隨增或所隨增不能爲因或能爲因亦所隨增或不能爲因亦非所隨增且能爲因非所隨增者謂諸隨眠在此心前同類偏行即彼隨眠若不緣此設緣已斷及此相應隨眠已斷爲所隨增不能爲因者謂諸隨眠在此心後同類偏行即彼隨眠緣此未斷能爲其因

亦所隨增者謂諸隨眠在此心前同類偏行即彼隨眠緣此未斷及此相應隨眠未斷不能為因亦非所隨增者謂諸隨眠在此心後同類偏行即彼隨眠若不緣此設緣已斷若所餘緣若他隨眠若不同界偏行隨眠如彼過去染污眼識未來染污眼識亦尔過去四句其理可然未來如何可作四句若有前後如何無因又若無者施設足論復云何通如說諸法四事決定所謂因果所依所緣若未來非同類因生已乃是云何決定又若無者則應無因而有因亦應無果而有果便壞所宗答應作是說未來世中無同類因以彼

造士

無故此中不談亦無二心互為因過問此論見蘊當云何通如說若法與彼法為因乃至廣說有說彼依俱有因作論以俱有因偏有為法親能辦果通三世故有說彼依相應俱有二因作論以此二因俱偏三性親能辦果通三世故有說彼依相應俱有異熟三因作

論以此三因親能辦果通三世故有說彼依相應俱有異熟能作四因作論以此四因通三世故有說彼依五因作論除能作因偏一切法皆不遮故此中有說除偏行因體用狹故應該說彼依六因作論因名所表通六因故問若法已生是同類因或偏行因若未已生非同類因非偏行因是則若法與彼法為因或時此法與彼非因云何答言無時非因答依最後位密作是答謂若法於此位定能作同類因或偏行因從是以後無時非因故作是說問若尔見蘊復云何通如說若法與彼法為等無間或時此法與彼非等無間耶答

若時此法未至已生此中亦應依最後位密作是答無時非等無間謂若法於此位定能作等無間從是以後無時非等無間何故不作如是說耶答亦應作如是說而不說者有別意趣為現異相異文說故若以異相異文而說義則易解復次為現二門二略二燈二

造士

十三

明二炬二光二曜二影文故如同類因依最後位密作是說無時非因等無間緣亦應依此位密作是說無時非等無間如等無間緣依一切位說若時此法未至已生同類因亦應依一切位作如是說二文相影俱通二義問品類足論復云何通如說云何非心爲因法乃至廣說答彼惟說畢竟非心爲因法雖彼未入正性離生者諸無漏心皆非心爲因然彼若入正性離生惟有初無漏心是非心爲因法餘心無不以心爲因有餘師說彼文不辯同類因義何者惟辯二種異生謂有般涅槃法及無般涅槃法文雖不舉無涅槃法義准理門顯示知有謂彼既說有餘異生決定當入正性離生由此義准亦有異生決定不入正性離生此則名爲無涅槃法即無涅槃法名非心爲因問品類足論復云何通如說或有苦諦以有身見爲因乃至廣說答彼論但說除未來有身見相應苦諦無及彼言

設作是說是誦者謬問識身足論復云何通如說於過去染污眼識所有隨眼乃至廣說答彼於未來應作三句除所隨增不能爲因彼無後故然說未來如過去者有別意趣謂正生時必入現在定爲同類或編行因望餘未起可說爲前對此可說餘名後故有餘師說彼說未來亦有四句不說未來有心前後問於過去且能爲因非所隨增者謂此相應隨眼已斷爲所隨增不能爲因者謂有同類編行隨眼在未來出於未來出染污眼識緣而未斷能爲其因亦所隨增者謂此相應隨眠未斷不能爲因亦非所隨增者謂有同類編行隨眠在未來世若不緣此設緣已斷若所餘緣若他隨眠若不同界編行隨眼問施設足論復云何通如說諸法四事決定乃至廣說答因者四因謂相應俱有異熟能作因果者三果謂士用異熟增上果所依者六種所依謂眼耳鼻舌身意所緣者六種所緣謂

造七

色聲香味觸法如是四事三世決定故不相違問若未來世無同類因及徧行因過現乃有則應無因而有因亦應無果而有果如是便壞三世有宗答許亦無失約位非體以和合作用位果非體果然位與體非即非離體雖恒有而位非恒故同類因及徧行因本無

今有亦無有失有餘師說未來世中有同類因問若余後說六難善通此中論文何故不說答應說而不說者當知此義有餘所說六因皆有餘故復次若同類因有力能取果與果者此中說之未來同類因無力不能取果與果是故不說復次若同類因已現在已和合已有作用荷負擔者此中說之未來同類因無如是事是故不說復次若同類因已行世相顯了者此中說之未來同類因未行世相不顯了是故不說問若未來世有同類因應有二心互爲因過答如四行相各有繫屬餘法亦然故無斯過謂未來世無常行相有

四行相應無間生彼是所修繫屬於此無常行相與彼爲因彼非此因繫屬於此故無常行相起必居前苦空無我行相亦余餘有爲法類此應知故無二心互爲因過若是說有依第四靜慮得阿羅漢果能修未來九地無漏所修無漏皆繫屬於此後起餘地聖道現前

造七

十五

唐

更不能修未來無漏無餘聖道繫屬於此故應在過現非同類因是則違害此中所說前生善根與後生者爲同類因乃至廣說勿有此失故未來世無同類因於理爲善

問色法爲有同類因不外國諸師有作是說一切色法無同類因但藉餘緣和合力起現見鑿地深踰百肘從彼出泥日曝風吹後逢大雨即便生草又復現見屋脊山峯先無種子亦生草樹故知色法無同類因問若余此論大種蘊說當云何通如說過去大種造色與未來等大種造色爲因增上答我於他論何事須通若必須通應作是說增上緣力有

近有遠有在此身有在餘身若近在此身者說名爲因若遠在餘身者說名增上迦濕彌羅國諸論師言色法亦有同類因惟除初無漏色問若尔雖通大種蘊說彼所引事當云何通答所出泥中先有種子餘緣闢故草未得生後遇衆緣即便生草又彼泥聚屋脊山

峯草樹生者風吹鳥銜種子來至故得如是

說一切有部發智大毗婆沙論卷第十七

造七

庚多_{上平反}分劑_{上云聲下在細反}但藉_{下才鑒音昨夜反}

踰_{青塗也}日曝_{下蒲木反}又蒲報反

阿毗達磨大毗婆沙論卷第十八 造八

五百大阿羅漢等造 三藏法師玄奘奉 詔譯

雜蘊第一 中智納息第二之十

二之

有餘師說色法雖有同類因而在身非餘身相似爲因非不相似如此身羯刺藍位與此身羯頸藍位爲同類因與同位作緣非因

乃至此身老位與此身老位爲同類因與餘位作緣非因若作是說於位位中初色無因後色無果有作是說色法雖有同類因而在此身非餘身相似爲因亦不相似如此身羯刺藍位與此身羯刺藍位乃至老位爲同類因此身額部疊位與此身額部疊位乃至老位爲同類因與羯刺藍位作緣非因乃至此身老位與此身老位爲同類因與前諸位作緣非因若是說羯刺藍位初色無因老位後色無果或有說者色法雖有同類因在此身亦在餘身而相似爲因非不相似如此身羯刺藍位與此身及餘身羯刺藍位爲同類因與餘位作緣非因乃至此身老位與此身及餘身老位爲同類因與餘位作緣非因復有說者色法雖有同類因在此身亦在餘身相似爲因亦不相似而與前位非同類因如此身羯刺藍位與此身羯刺藍位乃至老位爲同類因亦與餘身羯刺藍位乃至老位爲